



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



5

**O jela Keresemese
lapeng****CBL e khakola
chelete e ncha**

13

**E BA TŠOELISA TLHOPHO-BOCHA**

CHRISTMAS SALE SPECIAL OF THE YEAR

KE NAKO EA THABO, KE NAKO EA LIFELA TSA THABO!

Re keteka tsoalo ea Ngoana Jesu ka lipina tsa thoriso. Fumana
Buka ea **Lifela tsa Bakriste (Keketso)** kajeno, u kopane le
Bakriste ba bang ho bina liharepa tsa thabo ka nako ena ea
nyakallo ea Keresemese.

Contacts: 27 350 562/ 57396597

Mazenod BOOK CENTRE



M175.00

MOELETSI

Ba sala ba omme nthane

Banka e Kholo ea Lesotho (CBL) e phatlalalitse chelete e ncha ea pampiri e hlalosoang e fapakane le ea khale ka lintlha tse 'maloa. Morero oa ho etsa chelete e ncha ke ho e matlafatsa khahlanong le litlokothebe tse ka e sebelisang hampe ho qhekel-la sechaba. Ebile hape ho entsoe hore batho ba nang le bokooa ba tsebe ho arola e kholo ho e nyenyane. Ho feta moo e entsoe ka tsela e tla thibela likokoana-hloko nakong eo e tlohang mothong e mong ho ea ho e mong. Chelete ena e ncha e na le matšoao a kang Marena a Maholo a Lesotho, mokorotlo le lebanta le benyang. Sechaba se tsebisitsoe hore chelete ea khale e ntse e sebetsa 'moho le ena e ncha, 'me mohlalae ea khale e seng e sa sebetsa ho tla etsoa phatlalatso ka nako ea teng.

Lipetlele tsa Likereke (CHAL) li ile tsa tobana le qholotso e kholo haholo 'me tse ling tsa tsona tsa iphumana li lokela ho khina litšebeliso tse ling tse itseng ka lebaka la tlhokahalo ea lisebelisoa haholo-holo litlhare. Sepetlele sa Paray Thaba-Tseka ha se mokhelo litabeng tsena, kaha Komiti ea Boiketlo ba Sechaba ea Paramente e ile ea se etela kamor'a ho utloa litaba tse sa jeseng litheohelang ka sona. Mookameli oa Setsi o hlalosa hore sepetlele se imetsoe haholo ke mekitlane eo se sitoang ho e lefa, 'me eona e balloa kaholimo ho M11 Million. Mokitlane o batlang o hlile o le boima haholo ke oa Setsi sa Pokello ea Lekhetso Lesotho (RSL). Ho tloha ka khoeli ea Pulungoana setsi se ne se sitoa ho fana ka litšebeliso tsa ngakeng, tsa ho pepisa le tsa ka malimong. Leha ho le joalo, litaba tse monate ke hore 'muso o ile oa kopana le baetapele ba CHAL ho thusetsa hore lipetlele li tsoelepele ho fana ka litšebeliso. Molula-Setulo oa Komiti eo ea paramente o ipilelitse ho baetapele ba setsi ho beha leihlo litaba tsa lichelete setsing sena, hobane ho thusetsa ha 'muso ha ho na ho ba le thuso haeba tšoaaro ea lichelete e le bohlasoa.

Ke taba e thabisang haholo ho utloa litaba tse amanang le phano ea lintlafatso e isoang sechabeng. Lekala la Lihloliloeng ke leo le abetse mekonteraka e 31 mosebetsi oa ho bona hore sechaba se ba le metsi. Lesotho le tumme haholo ka metsi a mangata a bile a hloekile, hoo le a rekisetsang Naha ea Afrika Boroa, 'me haufinyane Botswana le eona e tla kenella. Letona lekaleng lena o buile taba ea bohlokoa ebile e le bohloko ea hore ebe leha naha ena e na le metsi a mangata hakaalo; Basotho ba bolaoa ke lenyoroa. 'Metla-khola o lokela ho lebisa ha habo, e se ho nyorolle linaha tse ling ebe Basotho ba sala ba omme nthane. Letona le boetse la ipiletsa ho mekonteraka ho lefa basebetsi ka nako ho qoba liqhobeshano le lintoa. Mekonteraka le eona ka lehlakoreng le leng, e kopile hore 'muso o e lefa ka nako hore e tsebe ho phethahatsa le ho potlakisa taba ea lithefiso. E supa hore chelete e fanoang pele ke e sebelisoang ho reka thepa le lisebelisoa hore mosebetsi o qale. Ho setse hore mong le mong a etse karolo ea hae, ebe sechaba se tlohela ho phela ka meokho. Mohoma temeng!

Mokha oa Kobo-Tata ea Basotho (ABC) o eletsa 'muso ho tlohela Tlhopho-Bocha haeba o sa ikemisetsa ho latela methati e nepahetseng mabapi le eona. O hlalosa ha eona (ABC) nakong eo e neng e le pusong, e ileng ea ntšha 'muso kahar'a Tlhopho-Bocha ho qoba maphemphe ao 'muso o litulong ha joale, o shebahalang o khenathetse ona. ABC e bontša hore sechaba se lokela ho kenyelletsa litabeng tsena, hape ho na le lintlha tse hlokolosi haholo tse lokelang ho nyakureloa joaloka Borena ba naha. 'Muso o litulong ho ea ka ABC o shebahala o fosa mokhoa oa tsamaiso, hobane ha ho tla thehoa litsi tse kang NRA le NDPC e ne e le ho etsa bonnete ba hore Tlhopho-Bocha e ba le ponaletso ka ho bulela mafaphe ohle a sechaba ka ho fapakana menyako. Keletso ke lebone ho ea e nkang, 'muso ho ka ba bohlokoa hore o hlalobe taba ena ea ABC mohlomong e ka tsoa e le taba; ho tseba mang?

Moetapele oa Lekhotla la Kopano ea Basotho (BCM) ea ileng a qosoa ka khoeli ea Phupjane, 'me ho tloha nakong eo a ntse a haneloa ka beili; kajeno ke enoa o e fuoe. Lekhotla le Phahameng le mo laetse ho fana ka bukana ea hae ea ho eta sepoleseng, eo a tla e fuoa ha feela a phetha mabaka a utloahalang ebe kamor'a moo o e khutlisetsa sepoleseng hape. Le hoja e le kamor'a nako e telele, moetapele bonyane o tla tseba ho ja Keresemese 'moho le lelapa la hae.

MOLIMO A BOLOKE LESOTHO LE BASOTHO

Tšebeliso e nepahetseng ea joala

Nthabeleng Seitlheko

Letona la Bohahlali, Bonono le Bocha-ba, Mohlomphehi Motlatsi Maqelepo o re lekala la habo le lomme molomo o ka tlaase khahlanong le tšebeliso e mpe ea mothamahanane, libakeng tsohle tseo sechaba se khobokaneng ho tsona. Litaba tsena li hlaleletse 'mokeng oa bo-ralitaba, oa la 11 Tšitoe monongoa.

O re naha e ithomphang e nang le seriti le sechaba se ithatang e lokela ho tsamaisoa ke molao eseng sechaba se itebale hore se'a laoloa. O re ba qholotsehile haholo ke tsela eo bacha ba sebelisang joala

makatsang ke hore Basotho ba hlomphe melao ea linaha tse ling empa ea naha ea habo bona ha ba re letho ka eona.

O tsoetsepele hore motho ea rekisang joala h'a lokele ho rekisetsa bana, kaha ba t'l'o nkeloa likhato tse matla tsa molao. O re se lokelang ho etsahala ke ho iponahatsa ka liketso, tsamaiso ea molao le tšireletso ea ona. A re lintho tsohle li itšetlehile holima melao ho thusa ka botsitso le khotso ea naha.

Motseki Nkeane o re ba bona joala bo rekisoa hohle kahar'a naha 'me hoo ho e lahlisa taolo le tsamaiso litabeng tsa tšebeliso le taolo ea joala.

O re joale melata e bonahala e kene khoepong ena ea joala ka hoo ba lokela

lokelang ho ba matsohong a Basotho.

Superintendent Thoma Sephaphathi ho hlaha Ofising ea Toantšo le Thibelo ea Litlolo tsa Molao le Boipoleso ba Sechaba e le Setho sa Boto ea Lekala, o supile hore Sepolesa se ile sa ikeletsa hore pele motho a abeloa polomiti ea ho eketsa linako tsa tšebetso, le pele e lefelloa le ea e hlokanang a hlalohoe hore na h'a na litlolo tsa molao. A re boto ha e fane ka polomiti feela empa ba leka ka hohle hore e abeloe motho ea lokelang.

A re hona le libaka tse rekisang mothamahanane empa li sa lumelloa ka hona ba ikemiselitse ho tšoaara ka matla ho bona hore likhoebo tse joalo li ea koaloa. A re likhoebo tse se nang



ka eona.

"Bacha ba Lesotho ba entse joala 'fashion'." A li beha tjena.

O re ba tla fana ka thuto ho bacha ho ipoloka le ho bona hore ba utloisisa hantle ka tšebeliso ea mothamahanane kaha hoo ho ama bophelo bo botle ba bona. "Re tšoenyehile haholo ke boemo bona ha bokang tšilafalo ea tikoloho, ho ama bophelo bo botle ba sechaba le ho theola naha seriti." Ke Maqelepo eo.

O re litaba tsa bona tsa matšolo a tlhokomeliso li ba teng, 'me li etsahala ka matla. O re ba t'l'o qalella ho bua le sechaba le hoja ba lokela ho etsa letšolo metseng e tla liehisoa ke taba ea tlhokahalo ea lichelete.

O re ho tloha hona joale ba thakhola letšolo lena 'me bahlanka bohle ba tla bonahala mapatlelong a teropo ea Maseru. A re se

ho tseba hore na melao e ba tsamaisang e re'ng. A re e bang khoebo ena e sa be matsohong a Basotho feela ho sireletsa Basotho e tla ba bothata bo boholo.

A re ba ipiletsa ho lekala ho hopola hore Section 34 e teng ho sireletsa khoebo tse

mangolo li holisa batho ba lefang lekhetho ka thata.

Tabeng ea ho etsa matšolo ho fana ka thuto sechabeng, har'a tse ling ke hore tšebeliso ea mothamahanane e be e lokelehang, e ntlafetseng molemong oa sechaba.



Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesoetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Ba 31 ba abeloa mosebetsi

Nthabeleng Seithleko

Ele ho koala sekheo sa tlhokahalo ea mosebetsi kahare ho Lekala la Lihloli-loeng, lekala le phatlalalitse ka molao tlhahiso ea mosebetsi sebakeng sa mekonteraka literekeng tse 10 tsa Lesotho. Litaba tsena li hlahelletse 'mokeng oa bo-ralitaba oa la 8 Tšitoe monongoaha.

Motlatsi oa Mongoli e Moholo Lekaleng la Lihloli-loeng, Lefapheng la Metsi, Lisema Lekhooana o hlalositse hore ka lebaka la tlhokahalo ea chelete lekale, ho nkile nako e telele haholo tlhahiso ea mosebetsi e le sieo.

Leha ho le joalo, o hlalositse hore ke bon-yane mekonteraka e 31 e abetsoeng mesebet-si ea khaho ea phepe-lo ea metsi le bohloeki metseng, e le karolo ea ho akofisa kanetso ea metsi a hloekileng ho Basotho.

H'a bua 'mokeng ona, Letona la Lihloli-loeng Mohlomphehi Mohlomi Moleko o hlalositse hore mosebetsi o mongata haholo o lokelang ho pheth-ahatsoa, ka hona o lokela hore ha o se o qaliloe o fele ka nako hore ho tse-be ho hlaha mesebetsi e

meng.

A hlalosa hore kahar'a naha, taba ea metsi ke ntho e bohlokoa haholo e lokelang ho tsoaroa ka tsela e hlokolosi. Letona le hlalositse hore Naha ea Lesotho e na le metsi a mangata haholo hoo e fepelang linaha tse ling ka sekhakeletsi sa Sen-qu.

A tsoelapele ho hlalo-sa hore holim'a Morero o tsebahalang haholo oa Metsi a Lihlaba(LHDA), ho boetse ho na le more-ro o mong o tl'o qala oa Lesotho Botswana Trans-fer Scheme moo teng ho tl'o ahoa letamo Makha-leng.

A re ho tliil'o ahoa lit-si tse peli tsa phehlo ea motlakase ka metsi 'moho le lipeipi tse peli tse fepelang Botswa-na metsi tsa botelele ba 700km 'me seo ke sesu-po sa hore ruri Lesotho le khaba ka metsi a manga-ta haholo.

Leha ho le joalo, o hlalositse hore qholotso e teng kahar'a naha moo teng Basotho ba hloka metsi le hoja metsi a le mangata naheng ea habo bona.

A re Basotho ba loke-la ho ba le metsi pele ho mang kapa mang, ka hona a ipiletsa ho baseb-etsi ba morero oona ho phahamisa likausi e le ho lokolla mesebetsi e meng e latelang.



O phethetse ka ho ip-iletsa ho mekonteraka ho sebet-sa ka matla le boite-

libakeng ka ho fapakana.

A bolella basebetsi hore ha liqhololotso li le

tse tefo li fihle ka pele ntl-heng ea ho lefa basebetsi ba bona hobane litsiane



lo 'moho le sechaba seo ba il'o sebet-sa le sona

teng ho luloe fatše ho shebisano e hore na both-ata bo teng bo fenngoa joang moo teng a bileng a ipiletsa hore mekonter-aka e lefe basebetsi ka nako hore mosebetsi o fele ka nako.

Lebitsong la mekonter-aka, Mosiuoa Mokhosi o bontšitse a le motlotlo ebile a tletse ka thabo ho fumana mosebetsi oo a hlalositse hore le joale ho bile boima nakong eo o neng e sa hlahe.

O itse ba itlama ho sebet-sa ka thata hore mosebetsi o matsohong o fele esale ka nako hore e bang mesebetsi ea merero e meng e hlaha ba be ba qetile.


Ho feta mona, o ipilelitse ho letona hore ba mpe ba thusoe hore litsiane

tse bang teng pele ho tseo ba li fumanang tsa tšebetso li sebelisoa sebakeng sa ho reka thepa e tla sebet-sa kahare ho morero.

A phethela ka ho etsa tšepiso e tebileng le boitlamo ba hore ba tla tšepahalla mosebetsi oa bona le hona ho sebet-sa ka boitelo sebakeng sa sechaba hore se tsebe ho imona menoana.

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li iphumane ba bue le Moeletsi oa Basotho ho: newsroom@moeletsiabasotho.co.ls kapa nomorong ea WhatsApp ea +266 62600983 ho arolelana le bacha ba bang ba nang le khahleho ea ho qala khoebo, empa ba sa tsebe ba ka qala joang.



MOELETSI O TŠEHETSA BACHA

Tšeliso Thakholi

Mofumahatsana Mamello Mak-hobotloane eo e saleng e le mocha ea ratang ho ba mohoebi kholong ea hae, ho tloha nakong eo a ntseng a le Sekolong sa Likonyana, sa Mathomo ho ea Likolong tsa Thuto e Phahameng, kajeno ke moboebi ebile ke mothehi oa kampani e bitsoang MHM Group of Companies, 'me eo tlasa eona ho nang le MHM Fruits and Fresh le MHM Business Solutions Consultants. Kajeno o fetisetsa litsebo tsena tsa hae ho bacha ba mekhahlelo e fapakaneng ho leka ho ba thusa ho iqalla likhoebo, e le ho theola sekhahla sa tlhokahalo ea mesebetsi.

SETHATHONG

'Na ke holetse kahar'a khoebo hoba e sa le ke hlahantate oa ka e le rakhoebo a itšebetsa, 'me ha ho mohla ke ileng ka utloa a re o ea mosebetsing, e sa le e le motho ea itšebetsang ho fihlela kajeno ke le lilemo li 25 a ntse a itšebetsa a sa hiroa. Ke bile le lehlohonolo la ho ba haufinyane le eena ho bona hore na hantle o ntse a etsa'ng, 'me haholo nakong eo likolo li koetsoeng ke ne ke ithaopela ho ea sebetsa le eena likhobong tsa lapeng. Ke mona moo ha ke ntse ke sebetsa le eena ke ea khoebong ena le eane, lerato la khoebo le ileng la qala ho ba teng ka ho 'na. Ke utloa ke rata mokhoa oa hae oa tšebetso, tšoa-ro e mofuthu ea bareki ba hae le tšebetso ea hae e makhetho eo a tsamaisang likhoebo tsa hae ka eona. Ntho eo ke neng ke e rata ka ho fetisisa ke ho bona

hore o ikhirile ha ho na lek-hooa le ntseng le mo setse morao ho mo fa litaelo le ho mo khanna kamorao, empa tsohle li matsohong a hae li laoloa ke eena. Ke ne ke rata haholo bolokolohi boo ba tšebetso boo a nang le bona. Ke utloa ke batla hore ka le leng ke tle ke tsoane le eena. Ha ke ntse ke ithaopela ho

khoebo. **BATSOALI BA HANA HA KE QALA KHOEBO** Ka litsebo tseo ke neng ke se ke ithutile tsona likhoebong ts'eso, ha ke le lilemo li 18 ke etsa Foromo ea Bohlano, ke ile ka kopa batsoali hore ba nthuse ke batla ho ithehela khoebo eo e leng ea ka. Ba ile

o batla ho etsa joang. Ka kena kahar'a marang-rang ka iphupuletsa likampani tsa China tse rekisang li-aparo tse ka ntlisetsang tsona. Ba mpha lintlha tsohle tseo ke neng ke li hloka. Ka selemo sa 2019 ka qala khoebo ea ka ea pele eaba e se e le ha ke qalile. Ka selemo sa 2020 e leng nako ea COVID-19

Group of Companies eo tlasa eona re nang le MHM Fruits and Fresh e leng moo re sebetsang le lijo, ka ba le MHM Business Solution e leng moo re thusang bacha ho bona hore likhoebo tsa bona li ngolisitsoe ka molao le ho lefa lekhetho hantle ho fana ka litlaleho tsa bona tsa tšebetso ea letsatsi ka leng. Ka boela ka ba le MHM Fruits Fresh moo teng, re sebetsang ka mefuta eohle ea meroho ho hlaha ho li-hoi e le hona ho tlosa qholotso eo ba nang le eona ea hore ba tla be ba hlahisitse e be ha ho 'maraka moo ba rekisang lihlahisoa tsa bona hona teng. Rona re reka ho bona ebe re etsa meroho e khabetsoeng ka makhetho a maholo re etsa e hatselitsoeng le e sa hatsetsoang e ntseng e le monate e-s'o lahle matsoai a bohlokoa a hlokoang ke 'mele.

TLHOKOMELISO HO BACHA

Ke mocha ea ratang ho holisa le ho matlafatsa bacha le basali haholo. Ke batla ho be le bo-Mamello ba bangata, 'me ke ntse ke jala litsebo tsena tsa ka tseo ke li fumaneng hobane ke motho ea ratang ho lula a ruoa tsebo ka lina-ko tsohle. Ke na le lithuto le manane-thuto ao ke ntseng ke a etsa ho hlahlella bacha ka litsebo. Ke e mong oa baithaopi mekhatlong le boikopanyong bo fapakaneng ho thusa bacha ka litsebo tsa hore ba tsebe ho iphelisa.

KHOTHALITSO HO BACHA



sebetsa likhobong tsena tsa lapeng ntate oa ka o ile a mpha letsoho kahare 'me ka ruoa tsebo e ngata, hoo ke ileng ka bona hore na khoebo e tsamaisoa joang kaha ke ne ke e-na le thahasello le mamello e kholo ea ho ithuta ka litaba tsa

ba hana ka le reng ke sa le monyenane haholo ke ntse ke kena sekolo, 'me ka hona ke tla qetella ke sa sebetse hantle sekolong. Ba re nke ke shebane le lithuto pele ke tla qala khoebo neng-neng ha ke se ke qetile sekolong ke se ke sebetsa.

ke bile le khoebo ea bo-beli e leng MHM Suppliers moo re neng re nehelana ka liaparo tse itšireletsang bakeng sa COVID-19 ho

BOINOTŠING BA KA

Ha ke se ke ikholisitse hore b'a hana, boinotšing ba ka le hore ha ba khloe hore e hlile nka iqalla khoebo ho latela lilemo tsa ka le hore e hlile khoebo ke ntho eo ke e ratang, ke ile ka sebelisa marang-rang ho ithuta hore na motho a ka qala khoebo joang e sa hlokenge chelete e ngata ea ho qala.

QALEHO EA KHOEBO

Ka qala ka khoebo e rekisang liaparo tsa boleng bo holimo ea liaparo tsa basali, 'me ka ba kopa hore ba nthuse eaba ba ntse ba sa utloisise hore na motho e monyenane joaloka 'na



likhoebo tse ling. Ka boela ka fetola MHM Suppliers kantle le kahare ho naha ka qala khoebo ea meriana ka selemo sa 2021 ea ba e se e le khoebo eo ke sebetsang ka eona.

MHM GROUP OF COMPANIES

Ka lebaka la boiphihlelo le litsebo tseo ke neng ke se ke e-na le tsona litabeng tsa khoebo ka theha MHM

Ke khotaletsa bacha ho qala ho ithehela likhoebo tse nang le litšenyehelo tse nyenyane. Qala ka se senyenane seo u nang le sona mocha oa h'eso. Ntho eo le lokelang ho ithuta eona ke hore na le lokela ho qala likhoebo tsa mofuta ofe. Etsang liphuputso ho bona hore na libakeng tseo le phelang ho tsona ke likhoebo tsa mofuta ofe tse ka atleheng.



Bacha ba itlama ho loantša bobolu

Nthabeleng Seitlheko

E le mohato oa ho loantša bobolu mol-emong oa moruo o tsitsitseng le naha e ntlafetseng, Setsi sa Toantšo ea Bobolu le bomenemene (DCEO) ka tšebeliso 'moho le UNDP le European Union

la mesebetsing empa le malapeng, moo ho hloka tlhompheho ha bana ho bonahalang e le letšoao la ho senyeha ha boitšoaro. O ile a khothalletsa bacha ho nka mehato e hlakileng e tla sireletsa meloko e tlang, ho latela sehloho sa selemo sena: "Ho kopanya bacha ho thibela bobolu, ho hlalisa bophelo ba bokamoso bo nang le botšephehi."

loantša bobolu ha se mosebetsi oa mekhatlo feela, empa ke boikarabello ba moahi e mong le e mong ho khetha botšephehi le ho hana tlotjotjo.

Lebitsong la libanka, Bafokeng Nosi o hlalositse hore bobolu bo senya moruo ka bophara, haholo-holo lefapheng la lichelete. O boletse hore mesebetsi e kang ho hlatsoa chelete, tlotjotjo le ho qhekella litlaleho tsa lichelete li senya tšepo ea sechaba.

Ea buileng ka lehla-



(EU) li ketekile Letsatsi la Machaba la Thibelo ea Bobolu ka la 8 Tšitoe monongoaha.

Ketsahalang ena, bacha ba ile ba nka karolo ka mafolofolo ho kenyeletsoa le batho ba nang le bokooa, ba bontša bohlokoa ba bona ntoeng ena e khahlanong le bobolu.

Puong ea hae Motlati oa Tona-Kholo, Justice Nthomeng Majara o itse ho keteka letsatsi lena selemo le selemo ke pontšo le nyatso ea ho felisa bobolu. O ile a supa hore bacha ke bona ba lokelang ho etella pele liphetoho tsa 'nete, leha mosebetsi ona o hloka tšehetso ea sechaba ka kakaretso le 'muso. A re naha ha e hole ha e aparetsoe ke bobolu hobane le batseteli b'a baleha.

Letona la Molao le Toka Mohlomphehi Richard Ramoeletsi o boletse hore bobolu ke "lefufu" le ka folisoang feela ka ho beoa pepeneneng. O ile a bontša hore bobolu ha bo fumanehe fee-

Mookameli-Kakaretso oa DCEO, Adv. Brigadier Mantšo Sello o boletse hore bacha ke bona senotlolo sa naha e se nang bobolu, ha feela ba ka bontša boitelo le boikarabello.

O boetse a totobatsa bohlokoa ba thuto le tlhokomeliso ho ahela bacha boleng ba botšephehi le boitšoaro bo botle ho tloha bongonaneng, e le hore ba tsebe ho tlaleha bobolu le ho kenya letsoho liketsong tsa sechaba.

Lebitsong la UNDP Jacqueline Olweya o hopotse mantsoe a Mongoli-Kakaretso oa UN, Antonio Guterres a reng, 'bobolu bo utsoetsa sechaba litšebeliso tsa bohlokoa, tse tlišang khotso, ntlafalo le bophelo bo botle ba sona.'

A thoholetsa 'Muso oa Lesotho ka ho matlafatsa DCEO ka ho fetisa tokiso ea Bobeli ea Molao-motheo (10th Amendment) e tla e fetola setsi se fetseng sa ntoa khahlanong le bobolu.

O hatelletse hore ho

koreng la bacha, Thabo Maile o lebohile DCEO le balekane ka ho ba kenyelletsa. A re naha e se nang bobolu e qala ka liphetoho tse etsoang hajoale ke bacha ba eona.

O ile a leboha DCEO ka ho etsa bonnete ba hore litaba tsohle tse amang bacha ha li etsahale ba sa kenelle eleng mohato o tlišang tšepo ho bona.

Tseba boemo

ba hau u

alafshoe



O jela Keresemese lapeng

Nthabeleng Seitlheko

M oetapele oa Lekhotla la Kopano ea Basotho (BCM) e bile e le setho sa Ntlo ea Bakhethoa, Dr. Tšepo Lipholo o tla jela Keresemese hae kamor'a ho lokolloa ka beile ea M10, 000.00 le ho beha paneng tiisetso ea chelete ea boleng ba M100, 000.00 ke Lekhotla le Phahameng, ka la 8 Tšitoe monongoaha.

Ha le mo hlalose tsa beile, lekhotla le bontšitse hore o lokela ho fana ka buka ea hae ea ho eta sepoleseng. La re o tla e nehoe feela h'a hloka ho e sebelisa mabakeng a utloahalang, 'me o tla tsebisa Mookameli oa Sepolesa ka taba eo.

Ho feta mona, lekhotla la re h'a qeta ho phetha lebaka la hae, o tla lokelela ho e khutlisa. La re o tlii'o lokela ho itlaleha Ntlo-Kholo.

Lekhotla le supile hape

hore moqosuo enoa a se kena-kenane le lipaki nyeoeng ena le ho emela nyeoe ho fihlela e fihla pheletsong.

Lipholo o ne a qosoe ka khoeli ea Phupjane selemong se holimo, moo a ileng a balloa liqoso Lekhotleng la 'Maseterata hore o baka moferefere sechabeng ka ho ipitsa Morena e Moholo oa Basotholand. Lipholo o ile a boela a qosoa ka hore o hlohloetsa le ho kenya lehloeo sechabeng hore se hloee puso ea Motlotlehi Letsie III ka ho ipitsa Morena e moholo.

'Melaelloa enoa o ne a boetse a qosoa hore o ne a etsa tsena ka ho bua Li-ea-le-moeeng le maboteng a marang-rang, a boetse a bontša hore nakong eo a fumanang borena ba naha eo e tlii'o ba profensi ea leshome ea Afrika Boroa.

O ne a haneloe ka beile ka le reng a ka baleha nyeoe, kaha o bonahala a tsamaea linaheng tse ling hangata, le hore nyeoe e ntse e le tlasa lipatlisiso tse nchocho tsa sepolesa.



Mazenod BOOK CENTRE 27 350 562 / 57396597 (whatsapp) bookcentre@mazenodprinting.co.ls akello

Malebela Mantlaloa

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book.

Enjoy reading offline anytime on the Akello App.

<https://library.akello.co/>

SCHOOL BOOKS now available on the Akello Online Library!

Linare li itlhoma pele

Mafeteng 84.3, Berea 84.0, Mohale's Hoe ka 83.9%, Butha-Buthe 83.1%, Qa-cha's Nek 81.4%, Quthing

Nthabeleng Seithleko

Letona la Thuto le Koetliso Prof. Ntoi Rapapa le phatlalalitse ka molao sephetho sa Sehlopha sa Bosupa, moo a hlalosit-seng hore ke barutoana ba 34,842 ba ngoliselit-seng lihlahlobo empa ba atlehileng ba 34,165. Litaba tsena li bile ka la 8 Tšitoe monongoaha.

A re baithuti ba 677 ha ba ngola lihlahlobo tsena ka lebaka la ho tsoa sekolo ba ea lebohang le tahlehelo ea batsoali ea mesebetsi. A re ho bana ba balloang ho 34,165 ba ngotseng lihlahlobo, ke ba ka bang 18 ba tsoileng boemong ba pele selemong sena.

O tsoetsepele ho hlalosa hore selemong se fetileng ke bana ba 34,824 ba ileng ba ngolisetsa lihlahlobo, 'me sena se bontša keketseho ea bana ka linoko tse 18 papisong le ngoahola, ha ba ngotseng ba ne ba le 34,059 eleng ho bolelang hore palo ea selemong sena e eketsehile ka linoko tse 106.

"Kahar'a bana ba 34,165 ba ngotseng lihlahlobo selemong sena, ke ba 218 ba tsoileng mokhahlelong oa pele, ha selemong se fetileng e ne e le ba ka bang 109 ka hona ho bonahala keketseho ea linoko tse ka bang 158 papisong le selemo se fetileng." Ke Rapapa eo.

O re mokhahlelong oa bobeli ke bana ba 4, 817 ba ngotseng ha se fetileng e ne e le ba 4, 780. Mokhahlelong oa boraro ke 23,423 ba ngotseng ha se fetileng e le ha se fetileng e ne le ba 20, 133 'me sena se bontša ha se theohile ka linoko tse 16.3 khahlanong le tsa selemo se fetileng.

O kopile likolo literekeng kaofela ho sebetsa kathata selemong se tlang sa thuto, le bona barutoana a re ba sebetse kathata kaha sena se tla ba thusa ho amohe-loa likolong tse mahareng ntle le tšitiso ea letho.

A re e le 'muso ba tšoenyehile ke sekahla seo bana ba bonahalang ba nyahlatsa lithuto ba ea lebohang kapa ba nyaloa, ka hona ba ipiletsa ho batsoali ho qobisa bana ba tlaase lilemong manyalo le lebollo le ho ba eletsa ho phethela lithuto tsa bona.

H'a phethela o thoholelitse litereke tse sebelitseng hantle selemong sena sa thuto, a ba a ipiletsa ho tse sebelelitseng mango-



leng ho sebetsa kathata selemong se hlahlamang sa thuto.

Mookameli oa Lekhotla la Lihlahlobo (ECOL), Dr. Mokhitli Khoabane o bontšitse a le motlotlo ka likolo tse sebelitseng hantle selemong sena. A re ha bana ba sebetsa kathata, ba tliša boitšepo le thabo ho batsoali ba bona, ka hona a eletsa ba tlang sehlopheng sena sa bosupa ho sebetsa kathata ho feta ba selemong sena.

O lebohile bohle ba nkileng karolo mosebetsing oa ho ruta le ho tšoa-a bana hobane ke ka bona

sephetho se tsoileng se nepahetse.

Lebitsong la bana ba fumane sephetho, 'Malehlohonolo Lerole oa Qacha's Nek ebile e le e mong oa ba pasitseng ka linaleli, ea hlalileng boemong ba boraro naha ka bophara o lebohile tšehetso ea 'muso le litichere ka tšehetso ea bona kaha e le ka bona ba fihlitseng liphetho tsena.

Lerole o phethetse ka ho etsa tšepiso ho 'muso hore ba tliš'o sebetsa ka matla ho fumana sephetho se fetang tsena lithutong tsa bona lile-mong tse tlang.

Selemong sena litere-

ke li sebelitse tjena: Leribe 86.1%, Maseru 84.5%, 81%, Thaba-Tseka 78.9% le Mokhotlong 75.7%.



Paray e imetsoe

Nthabeleng Seithleko

Sepetlele sa Paray, Thaba-Tseka se khasa kahar'a mekitlane ke tlhokahalo ea lichelete ho thuset-sa ho batla lithlare le ho lefa basebetsi.

Litaba tsena li hlahelletse kapel'a Komiti ea Boiketlo ba Sechaba ea Paramente ka la 5 Tšitoe monongoaha, e ileng ea etela setsi sena ho ithuta mathata ao se kopanang le ona kamor'a hore se ntše phatlalatso ea hore ho na le litšebeliso tseo ba ke keng ba fana ka tsona ka lebaka la bosieo ba lithlare.

Motsamaisi oa Sepetlele sa Paray, Sr. Clara Rak-homo o itse mokitlane oa sepetlele o kaholimo ho M11 Millione, 'me sena se ba tlamme ho khina tse ling tsa litšebeliso.

A re ba qalile ho khina phano ea litšebeliso ho tloha ka la 28 Pulungoa-

na monongoaha, hobane sepetlele se hloleha ho fana ka litšebeliso tsa ka ngakeng, tsa ho pepisa le tsa ka malimong.

O re ba ile ba tlameha ho koala litšebeliso tsa ka malimong kaha lisebelisoa tsa kamoo kaofela li ba fetetse, 'me bakuli ba hlohang litšebeliso tse joalo ba lokela ho fetisetsoa Maseru moo le teng ho ntseng ho le boima kaha ho nka lihora ho fihla teng.

O tsoetsepele hore kamor'a ketelo ea pele ea komiti, ba ile ba fumana lengolo le bontšang hore kamor'a phutheho ea Tona-Kholo le Lihlooho tsa Likereke ba ke ba tsoelepele ho fumana tharollo ntle le hore mekitlane e teng e lefshoe.

Bookameli ba setsi bo ile ba lula fatše ho itekola kamor'a ho fumana lengolo empa ba fumana hore ha ho letho le ka fetohang ho fihlela lithlare li fihlile sepetlele hore sechaba se boele se fumane litšebeliso.

A re ho bontša hore ho tlo-

ha selemong sa 2023, litaba tsa bona li ile tsa qala ho mpefala ka lebaka ka kabo ea lichelete e fokotsoang selemo le selemo.

Mookameli oa Baoki Sepetleleng, Sr. Catherine Lebina o hlalositse hore ba anngoe ke lichelete tse abeloang setsi sa habo bona empa lithloko li ntse li eketseha e ba beha ka mos-ing kaha ba na le bakuli ba bangata ba sitoang ho lefa litjeo tsa sepetlele.

A re ba loketse hore ba bang ba bakuli ba jaroe ke sepetlele hore ba il'o fuma-na litšebeliso Maseru ka lebaka la bosieo ba lithlare le lisebelisoa hobane ba la-ba-labela hore bophelo bo bolokehe.

Lebina o itse ba sebelisa chelete eo ba e behetseng ho lefa koloi ea bakuli ho ba fetisetsoa Maseru, 'me ha ba ke ke ba khetholla leha e le hore ke sepetlele se ntseng se lahlehelo.

Molula-Setulo oa Komiti ea Paramente ea Boiketlo ba Sechaba, Mokhothu

Makhalanyane o tšepisitse hore komiti ea habo e tla sala litaba tsena morao ho bona hore na boitlamo ba 'muso bo hakae.

A re e le ho fumana tharollo liqholotsong tse tobileng Lipetlele tsa Likereke (CHAL) tsa leqeme la lichelete, 'muso le CHAL o ile oa tekenela tumellano eo ho eona ho lumellanoeng ea hore 'muso o tla abela CHAL chelete hore e tle e lefe basebetsi le hona ho reka lithlare.

"Ho bohlokoa hore sepetlele se hlahlobe tsela eo bookameli ba sona bo tšoarang lichelete ka eona, 'me ho tekeneloa ha chelete e abeloang CHAL, ha ho rarolle mathata a eona empa e le ho nanabeletsa hore lipetlele li 'ne li tsoele-pele ho thusa sechaba." Ke Makhalanyane eo.

A re ba lokela ho tla lula le Lekala la Bophelo hore le kene lipakeng litabeng tsa mathata a mekitlane ea lipetlele tsa CHAL. Sepetlele sa Paray se re se na le mokitlane o mongata ha-holo ho Setsi sa Pokello ea Lekhethe (RSL) le ho Setsi sa Naha sa Litšebeliso tsa Lithlare.

Ho hopoloa ba ileng ba bolaoa

Nthabeleng Seitlheko

Mokhatlo o Loanelang Litokelo tsa Mantlha tsa Botho (TRC) ka kopanelo le Ntlo ea Boemeli ba Naha ea Afrika Boroa Lesotho li ketekile letsatsi leo ka lona ho hopoloang Basotho le baphaphathehi ba Afrika Boroa ba ileng ba bolaoa ke Maburu ka selemo sa 1982. Tšebeliso ena e bileng ka la 9 Tšitoe monongoaha.

Puong ea hae Moemeli oa Naha ea Afrika Boroa Lesotho, Constance Seoposengwe o bontšitse hore letsatsi lena le bohlokoa haholo nalaneng ea linaha tse peli tsena, kaha ke Basotho ba bangata ba ileng ba lahlehela ke bophelo ka lebaka la ho alama Ma-Afrika Boroa a neng a balehetse Lesotho nakong ea khethollo ea merabe naheng ea habo bona.

Seoposengwe o boetse a supa hore ketso ena e ileng ea etsoa ke Basotho e bontša lerato le kutloelo bohloko tseo sechaba sa Basotho se nang le tsona ho baahi ba Afrika Boroa, 'me maqhama ana a setsoalle a ileng a qala nakong eo a lokela ho ntšetsoa pele ka ho sa feleng e le ho tlotla le ho hlompheha bahlabani bao mali a bona a ileng a tšoloha ba loanela tokoloho ea linaha tsena.

O re letsatsi lena le re hopola mahloko ao re fetileng ho ona ho fumana boipuso le tokoloho, ha Basotho ba ka bang 12 le Ma-Afrika Boroa a ka bang 30 a thunngoa le ho bolaoa empa leha ho le joalo, re



lokela ho hahamalla pele esita le ho lula re tšelisa malapa ao beng ka ona ba ileng ba ameha tlotsing ena.

A re ho tloha hajoale ho ea pele, boetapele ba linaha tse peli tsena bo lokela ho sebetsa hammoho, ka sehlahlo se fetang sa pele ho fenyha liqholotso tse kenelletsang tlhokahalo ea mesebetsi le bofuma ka le reng ha ho ka moo e 'ngoe ea linaha tsena e ka phelang ka khotso ka teng ha e 'ngoe e salletse morao lintlafatsong.

H'a phethela o itse Naha ea Afrika Boroa e ikemiselitse ho sebetsa ka thata ho boloka maqhama a eona a setsoalle le Lesotho, e le ho hlompheha selekane sena seo baholo-holo ba tsona ba ileng ba se loanela.

Lebitsong la Morena oa Matsieng, Morena Lerotholi Seeiso o bontšitse hore linaha tsena li lokela ho kena lipuisanong, mabapi le ho kenya nalane ea letsatsi

lena lethathamong la lithuto tse etsoang likolong linaheng tsena ka bobeli.

A re bacha ba bangata ha ba na leseli ka likateng tsa ketsahalo ena ke ka hona



lipakeng tsa baahi ba linaha tsena, 'me sena ke qholotso eo baetapele ba lokelang ho e emela ka maoto ho loanela setsoalle se sa feleng sa linaha tsena.

A bontša hore liqholotso li ngata tseo linaha tsena li fetileng ho tsona, 'me ke ka ho hopola boitimo le mahlonoko ao baholo-holo ba rona ba fetileng ho ona feela re ka tsebang moo re tsoang esita le ho utloelana bohloko nakong ea maqakabetsi joalokaha ba tlileng pele ho rona ba ile ba etsa joalo.

E mong oa beng ka mahlatsipa a ileng a bolaoa le ho hlokofofatsa nakong eo, Lethusang Tšenoli o bontšitse hore malapa a mangata a ile a ameha haholo ketsahalang ena 'me litlamorao tsa eona tsa siea basali e le bahlolohali ba holisang bana kahar'a bofuma.

A re ka lebaka lena re

kopang hore boetapele ba linaha tsena ka bobeli bo ke bo hopole malapa a joalo, a fuoe matšeliso hobane malapeng a mang bophelo esale bo thatafala ho tloha nakong eo.

A re letsatsi lena le lokelela ho hopoloa ka ho etsa liemahale le lingoloea tse tla tsejoa le ke meloko e tlang hobane botebo ba lerato le kutloelo bohloko eo bao mali a bona a ileng a tšoloha nakong eo bo feta kutloisiso ea motho.



Letsatsi lena leo ka lona ho hopoloang Basotho le baphaphathehi ba Afrika Boroa ba ileng ba bolaoa ke Maburu le ketekoa selemo le selemo ka la 9 Tšitoe ka ho etela liqalong tsa bona le ho li hloekisa.

Moetapele oa BNP, Mohlomphehi Machesetsa

Mofomobe, o hlalositse hore nalane e lokela ho bolokeha ele karolo ea ho hopotsa Basotho leeto la bona le hore ba tsoa kae ka bophelo. A re ho bohlokoa hore thuto ea nalane e phele likolong le bacha ba tsebe litaba tsena hore qetellong ho tle ho be bonolo hore re be le sechaba se itsebang.

Mookameli oa TRC, Tsikoane Peshoane o hlalositse hore letsatsi lena ho bona ke la bohlokoa hobane le jere nalane e kholo ea naha. A re ho bontša hantle hore ka nako. Khatikelo ea Litokelo tsa Mantlha tsa Botho e bile boemong bo fen le ho loaneloa ha tokoloho. O re taba eena ha ea etsahala feela empa ba bang mali a bona a ile a tšoloha.

O bile a ipiletsa ho Basotho ho hlonepha nalane hobane ha ele sieo ho se ho sa thoe letho ka eona Basotho bo ka timela.



Across

- 4 Papali ea lefereho e bapalloang lepatlelong la motse ke baroetsana le bahlankana. (9)
- 6 'Mino oa bahlabani ha ba ea ntoeng. (9)
- 7 'Moko le masapo li jeoa ke baholo. (5)
- 9 Ka u lotha! araba. (4)
- 11 Bahlankana ba basoeu ba lekanang, ba phelang kahar'a lehaha (selotho). (4)
- 13 Litlama, moiteli le masalla a lijo tse putileng 'moho. (8)
- 14 E 'ngoe ea lithaba tsa Lesotho. (7-9)
- 15 Lentsoe le kopanyang lipolelo tse fetang bonngoe. (8)


Down

- 1 Leikemisa, Sephafi, Seboleli, Sehokelo, Sefetoli le Lekhotsa. (7-3)
- 2 Semela se makhasi a kang litsebe tsa kolobe. (8)
- 3 Naha e nang le khauta e tšoeu pele ho boipuso. (10)
- 5 Khoeli eo folakha e ncha ea Lesotho e qalileng ho sebetša ka eona. (8)
- 7 Lipalesa tsa teng li hlaha makaleng. Lipeo tsa teng li ka sebelisoa ho noka lijo. (11)
- 8 Mofutsoela oa litšifa tse aphiloe li futsoeloa ka joala. (9)

- 10 Setlama se nang le makhasi a etsang lipalesa tse tšehla le makhasi a boea; se sebelisoa e le Moriana. (6)
- 11 Phofo ea litsie e halikiloeng. (8)
- 12 Ba buoang Sesotho. (7)

THAROLLO

MoB 93-4614





TSA KEREKE

Makemolo boikhutsong

Tšeliso Thakholi

Moarekabishopo Tlali Gerard Lerotholi OMI o re ho tloha tšimolohong le pele lefatše le thehoa, Morena Molimo o ile a sireletsa Maria Movirigo moeeng le 'meleng oa hae hore a se ke a ba le sekoli sa tlhaho. O buile tsena a ipapisitse le Mangolo a Halalelang a Sontaha se sa tsoa feta, ebile a koala boikhutso ba matsatsi a mane ba litho tsa Kemolo e se nang Sekoli ea Maria tsa Tikoloho e Kholo ea Maseru, bo neng bo tšoaretsoe Parishing ea Maria Mofumahali oa Lefatše, Mazonod ka la 4 ho isa la 7 Tšitoe 2025.

Mobabatsehi o itse seo Morena Molimo a se kopantseng ho se ke ha eba motho ea se arolang, 'me moo a supileng ho se ke be ha eba motho ea ka supang moo ho ratang eena. "Ke ka lebaka lena Molimo a ileng a supa Maria Movirigo. O lehlohonolo har'a basali bohle hobane sekoli sa tlhaho ha se eo ho uena." O boletse joalo a bile a hlokomelisa Bahlabani hore lepetjo lena, la 'Maria a tsejoe, a ratoe a hlonephshoe malapeng, metseng, sechabeng le ka lefatše lohle', ke boitlamo bo tebileng boo ba bo etsang ha se lepetjo feela le kang la lipolotiki, empa ba lokela hore ba le phethahatse ka linako tsohle.

O supile hore ha Morena

elo ba hae, empa e bile lekhabunyane la Morena. "Ke 'na enoa lekhabunyane la Morena ha ho etsoe ho 'na thato ea hau Morena Molimo." A rialo a bile a hlokomelisa le ho khalema Bahlabani bohle ho se iphetole makhabunyane a batho empa ebe a Morena Molimo.

Mobabatsehi a kopa Bahlabani bohle ba neng ba phuthehile ka bongata bo hlolang boikhutsong bona, ho rapella batho bohle ba

lotlo haholo ho ba litho tsa Kemolo e se nang Sekoli ea Maria, 'me ba ikemiselitse ho tsebahatsa Maria Movirigo le hore batho mo ba rate malapeng, metseng le ka lefatše lohle.

Ke hona boikhutsong bona moo ka ho khetholoha har'a e meng ea mesebetsi ea boapostola eo ba ileng ba e etsa, ba ileng tsa etela Setšeng sa Bafu sa Maoblata ho ea rapella Rameea oa bona mofu Fr. Gabriel Tlaba OMI le ho mo fonanisa kaha



e-s'o ka ba e-ba le leseli le ho ananela Maria Movirigo e le 'M'a Mopholosi, 'M'a rona bohle, 'M'a Kereke ea Morena Molimo e ka hohle Lefatšeng e bile e le mosireletsi le morapelli oa pele oa Naha ea Lesotho. "Maria Mofumahali oa Lefatše, o re rapelle." Ke Mobabatsehi eo.

Kamorao ho litšebeletso le likapeso tsa litho tse ncha tsa Kemolo, e bile tlhoho-

ba sa ka ba e-ba le eena nakong ea lepato la hae ka lebaka la seoa sa COVID-19. Ba ne ba boetse ba il'o mo leboha le ho mo thoholetsa ka boitelo le lerato la hae le tebileng ho Maria Movirigo le boithukhubetso ba hae mosebetsing oa Kereke ea Morena Molimo.

E boetse ea e-ba menyakoe le litlatse tsa thabo kahare ho Makemolo ha ba ne ba amohela le ho apesa



Jesu Kriste a le sefapanong o ile a re hopotsa hore Maria Movirigo e ntse e le 'm'ae. A bontša hore ha re bala Mangolo a Halalelang ha ho na moo re fumanang Maria Movirigo a etsa boithat-

nolofatso ea lisakramentale tsa Bahlabani ba bacha le tsa bakriste bohle ba bileng teng, ea nt'o lateloa ke lipuo tsa liteboho ka ho fapakana ha tsona. Ho ea ka ba bang ba litho tse ncha ba mot-

setho sa paramente ebile e le Moetapele oa BNP, Machesetsa Mofomobe. Ke litho tse 145 tse apesitsoeng Tikolohong e Kholo ea Maseru, 'me ha amoheloa bakokoti ba bararo.

2025-2026 SELEMO A

Sontaha sa 3 sa Advente



Isaia 35:1-6.10
Pesalema 145
Jakobo 5:7-10
Matheus 11:2-11



Khothatso

U phelela'ng lefatšeng?

Evangeling ea kajeno re bona Morena Jesu mosebetsing oa hae 'me lifofu li'a bona, bo-tsebe-tutu b'a utloa, balepera b'a folisoa le tse ling. Hona ke lerato le hlolang le kutloelo-bohlolo eo a e bontšang bathong ba phelang ka mahloko. Ka hona kajeno le rona re se tšabe ho beha kapel'a Kriste enoa ea lerato; bofokoli le maqeba ohle a re opelang.

Thuto ea Pele e tletse likhothatso le molaetsa oa tšepo ho bohle ba ikutloang ba nyahame lipelo. Isaia o re: "Thabang! Se tšoheng. Molimo ka sebele sa hae o tla ho le pholosa." Thutong ea Bobeli Jakobo o toboketsa ntlha eo bongata ba rona re utloang e le thata; mamello. O re khothaletsa ho mamellana le ho mamela ho tla ha Morena mohlala Letsatsi la Kahlolo. Matheus evangeling ena o re bontša Kriste ea nang le mantsoe a khothatso ho Joannes ea oetseng lemeneng la Khosi Heroda. Hape re boela re bona mesebetsi ea Kriste.

Ha ho motho ea ka tumang a le mong feela, kamehla ho na le mokoetlisi ea sa hlahelleng hangata kapa eo batho ba se nang taba le eena. Ho ne ho e-na le semathi se seng se seng se matha ho lokisetsa limathi tse ling tse kholo. Semathi sena se ile sa matha mabelo a mabeli hantle ka tatellano empa ho lena la boraro sa hloleha hoo se ileng sa qetella se kene sepetelele. Ho tsoheng ha tsona se ile sa ipotsa feela hore na limathi tse ling li ile tsa tsoelella tsa hlola. Ha se'a ka sa e-ba le taba le mathata a sona hakaalo; sa mpa sa thabela hore se bile karolo ea ntho e 'ngoe e kholo, 'me ka lebaka la sona ho bile le ntho e ntle e etsahetseng.

Litaba tsee ha li le hopotse Joannes Mohlatsoi? O ile a sebetsa kathata haholo 'me ka linako tsohle o ne a tseba mosebetsi oa hae. E leng ho lokisetsa ea tlang kamorao ho eena, e mohlolo ho mo feta. Motho enoa e ne e le Kriste, 'me hang ha Kriste a filha Joannes o ile a nyamella moriting oa lifate. Joannes o ile a tseba hore o bilelitsoe ho lokisetsa ho tla ha Messia eo esaleng a lebetsoe. O ne a tseba hantle karolo ea hae; e ne e le moromuoa feela ea ti'o phatlalatsa Khosi. O ne a thabetse ho phethahatsa karolo ena ea hae, 'me o e entse ka matla ohle a hae. O e pheletse, a sa batle letho bophelong leha e se e le bophelo bo bonolo kapa ho tlotloa ke batho.

Empa ke mona o oetse lemeneng la Heroda, o ikutloa a se na matla 'me o se a emetse lefu feela. Batho ba neng ba mo latela ha ba sa mo natsa ka letho, ba se ba latela Kriste. E ne e se eka o se a hlokahetse; o ne a hloka mantsoe a khothatso. Ha lefu le se le mo shebile o ne a batla ho tseba hore o pheletse ntho ea bohlokoa. Ke ka hona a ileng a roma barutuoa ba hae ba babeli ho ea botsa Jesu hore na ke eena Messia. O etsa sena e se feela ka lebaka la mosebetsi oa hae, empa ho netefatsa hore bophelo ba hae e ne e se lefeela. O ne a hloka karabo ea E, ho feta mona e ne e tla ba o sentse nako ea hae 'me bophelo ba hae bo fethohile lefeela, hona e ne e tla ba lerumo le lekaakang h'a shebile lefu le mo tobileng!

Karabo eo a e fuoeng ke bopaki ba tse etsahetseng, e se e le hore eena a iketsetse qeto. Litaba tsena li lokela li ile tsa tlisa thabo sefahlehong sa Joannes, hobane bophelo ba hae e ne e se lefeela. Kriste o tsoelapele ho netefatsa le ho khothatsoa Joannes. Ha ho motho ea iphelelang, mohlala feela batsoali ba lokisetsa bana ba bona bophelo. Re na le mohlala o motle ho Joannes, oa lerato le sa ichabeng. Ka hona le rona re bilelitsoe ho lokisetsa Morena litsela. Hoja ho ne ho se motho ea iketsang sehlabelo molemong oa ba bang, lefatše le ne le tla ba joang?

Moelelo oa bophelo hangata o patehile ho rona, ke ka hona hangata re hlohang ho netefaleletsoa. Ka bomalimabe ha re batle haholo tabeng ea ho netefaleletsana. Nthong eo re e behileng ka hloohong ke ho batla ho tseba hore na seo re se etsang, bohloko boo re bo utloang, lihlabelo tseo re li etsang le ho hong li na le moelelo. Le hoja re phela lefatšeng le boneng khanya ea Kriste, ho ka etsahala hore re tsamae leffing, re utloe re le inotši, re hloka motho ea re thusang. Ka hona le rona re hloka ho utloa mantsoe a Kriste ho Joannes: "Ho lehlohonolo motho ea sa lahleng tumelo ea hae ho 'na."

Ba bangata joaloka Joannes ba hlokahala ba ipotsa hore na bophelo ba bona bo na le moelelo kapa bo entse phetoho e itseng. Ke ka Kriste feela, ka lefu le tsoho ea hae bophelo ba rona bo fumanang moelelo, mahloko 'moho le lefu la rona. Ha re beheng tšepo ea rona mantsoeng a Kriste, joaloka Joannes, re leke ho tšepahalla mesebetsi ea rona, leha re ka bona e nyeliseha kapa e fokola hakaalo.

Bahalaleli har'a Beke

15	Tšitoe	Adalbero
16	Tšitoe	Beoc
17	Tšitoe	Wivina
18	Tšitoe	Rufus
19	Tšitoe	Fausta
20	Tšitoe	Peter Thi

Basketball e khutlisetsa sechabeng

Tšeliso Thakholi

Mokhatlo o Tsa-maisang Papali ea Basketball (LBA) o hlophisitse litlholisano tsa selemo le selemo tsa Summer Slam Charity Tournament ka sepheo sa ho bokeletsa lijo le liphahlo tse tlang ho abeloa lehae la likhutsana le tla khethoa hamorao kamor'a hore lipapali tsena li fihle pheletsong. Lipapali tsena li tlii'o tsoareloa Mabaleng a Boithapollo a Ha Ratjomose, Maseru ka la 13 ho isa la 14 Tšitoe 2025.

Ho ea ka bahlophisi ba lipapali tsena e se e le lilemo tse ngata lipapali tsa mofuta ona li tsoaroa ka katleho e kholo kaha sepheo se tsoanang sa ho khutlisetsa sechabeng le ho tsoarana ka matsoho le sechaba kholisong ea papali ea Basketball kahar'a naha. Ba re kholo ea papali ena e tlosoa ke ho tsetela haholo sechabeng, 'me monyetla oa lipapali tsena o buletsoe libapali tsohle tsa Basketball ho sa natsoe hore na ke se



ngolisitseng le LBA kapa che.

Ba re lipapali tsena li boetse li fa monyetla libapali tse nang le talenta ho potoloha le naha ho tla bapatsa talenta tsa tsona. Li boetse li fa monyetla lihlopha tse kholo ho ka hloaea libapali tse ka ba khahlang ho ea li kenya kahar'a lihlopha tsa bona. "Sena se ka boela sa thusa

ho hlahisa libapali tse tlang ho ba lihlopheng tsa naha lilemong tse tlang." Ba rialo ba bile ba eketsa ka ho ipiletsa ho sechaba sohle ho etsa letsoho la monna ka ho nehelana ka limpho tsohle tseo ba ka ratang ho fana ka tsona sebakeng sa ho phallela bana ba tlokotsing ba phelang mahaeng a likhutsana.

Ha li qala li thakhoha ka Moqebelo oa la 13 Tšitoe ka ho banna li tla bapala tjena: KTA vs LP ka 9:00, Chase Basketball vs LNIG-H ka 11:10, LP vs BKM Badboys ka 13:20, SLB vs Nedbank ka 14:25, BKM Alumni vs Bloem Alumni ka 15:30, KTA vs BKM Badboys ka 17:40, LNIG-H vs SLB ka 18:45 le Bloem Alumni vs Chase

Basketball e le papali ea ho qetela ka 19:50.

Haele letsatsing la la 14 Tšitoe ka ho basali li tla bapala tjena: MMB vs Nedbank ka 11:10, SLB vs MMB ka 14:25 le Nedbank vs LNIG-H. Lihlopha tse tla hlola ka ho banna le basali ke tsona tse tla ea bapala ho makhaola-khang hona letsatsing la Sontaha.

Lipapali tsa bacha tsa Keresemese

likolo li buloa. A re batsoali le bona ba amohelahile ho ea tšehetsa bana ba bona

Tšeliso Thakholi

E le ho tlosa bana le bacha literateng le libakeng tse kotsi tse ka silafatsang bophelo ba bona, Sehlopha sa Lipapali tsa Sesotho sa Ha Abia le mathoko a sona se entse moralo oa lipapali tsa bacha tse tsoaroang selemo le selemo tse tla ba ka Keresemese le ho khalola selemo motseng oa Li-raoheleng, Maseru ho tloha ka la 25 Tšitoe ho isa la 4 Pherekhong 2026.

Puisanong le motlalehi oa

koranta ena mohlophisi oa morero ona Mofumahatsana 'Matšepo Ramathaleha o itse sepheo se seholo ke ho fana ka monyetla oa lipapali tse fapakaneng ho bana le bacha. O boletse hore lipapali tsena li tla kenyeletsa har'a tse ling mokhibo, ndlamo, litolobonya, liphatha, tantši le setepe. A eketsa ka hore li reretsoe ho thusa bacha hore ho be le seo ba se etsang e le ho ba qobisa ho iphumana ba kene litabeng tsa botlokotsebe tse akhang ho sebelisa lithetefatsi, tai le koae.

A re lipapali tsena ka ntle le hore li tlii'o hleka bana libakeng tse kotsi, li boetse



li tlii'o fana ka bophelo bo botle ba 'mele le ho bopa kelello e chorileng e le hore ba lule ba phetse hantle ka linako tsohle. A re o lumela hore li tlii'o fokotsa mafu a mangata ao ka kotloloho a tobileng bana, bacha le batho ba baholo 'me ka tsona a ka thibeloa ha bonolo. E kholo ka ho fetisisa ke hore li boetse li holisa le ho matlafatsa litalenta tsa bacha le hore bana ba hole ba se ba ntse ba rata lipapali tsa habo bona tsa Sesotho.

A ipiletsa ho batsoali ho lokolla bana ho tla lipapaling tsena kaha li tla qala ka letsatsi la Keresemese ho fihlela ho setse beke pele

feela ha b'a lumelloa ho ea ka joala kapa koae lipapaling tsena kaha morero e le ho hlokomelisa bana hore lintho tsena li kotsi haholo bophelong ba bona.

Kamorao ho lipapali tsena ho tla ba le phano ea mohope o potolohang ho sehlopha se tla ipabola lipapaling ka ho fapakana ha tsona. Ho tla boela ho e-ba le mehope ho sehlopha ka seng se tlang ho ba mohloli. Limpho tse ling li tla fanoa ho sebakeng ka seng se tla ipabola lipapaling tsa mokhibo, ndlamo, litolobonya le setepe. Haele masimba le lipompong li tla be li bapala bana lipapaling tsena!

Pula ke mahlopha a senya

Tšeliso Thakholi

Papali ea Liki e neng e tonetsoe mahlo haholo e neng e le lipakeng tsa Sehlopha sa Matlama le sa Majantja, se ntseng se li hula pele lokong ea Lihlopha tsa Liki e Kholo ea Vodacom, e bileng Lebaleng la SR Technical Centre, Mohale's Hoek mafelong a tsoa feta a beke, e ile ea emisa metsotso e se mekae e qeta ho qala, ka lebaka la maemo a mabe a leholimo a sefako se matla se neng se khama le lipula tse matla tse neng li tsamaea le serame se kenellang masapong habohlolo.

Ho ea ka litalaleho tse ileng tsa tsoa tsa maemo a leholimo mafelong a beke a tsoa feta, a lipula tse matla, li ne li lebetsoe ho tšoloha ka matla li bile li khema le sefako likarolong tse fapaneng kahare ho naha. Ke mona moo tse ileng tsa tšoloha karolong e kholo ea Setereke sa Mohale's Hoek, li sa kang tsa qobella papali ea Liki e Kholo ea Majantja le Matlama feela ho emisa empa le tsa li liki tsa Mekhahlelo oa A, B le C ho bapala.

Lipapali tse ileng tsa atleha letsatsing la Moqebelo oa la 6 Tšitoe ke tse lipakeng tsa Linare le sehlopha se kotsi sa Lifofane moo Lifofane e ileng ea tlontlola Linare habo eona kapele ho barati le batšehetsi ba eona ka ho e pola 3-1. Lioli eo ha joale mokoetlisi oa eona a seng a e-na le libeke tse peli a itokolletse e ile ea tsoa ka lesoba la nale ha e ne e shapa Machokha ka thupa e bohloko ea 1-0. Athe LUFC le LDF tsa pitikisa mahe ha Manonyane le LMPS 'Semonye' li ile tsa bapala ka seahlolo sa 2-2.

Letsatsing la 7 Tšitoe Lijabatho ea rabella Members e bonahalang e hula ntoa ka lithako tsa morao lihlopheng tse kholo ka 4-0, Bantu e seng e theotse likausi haholo monongoaha ea ikutloisa monate ka ho hlola sehlopha se secha haholo Liking e Kholo sa Maroala ka 2-1. Haele Liphakoe e qalileng mokhahlelo oa pele oa lipapali tsa liki e sa bapale hantle e ile ea makat-sa batho ba bangata ka ho bapala ka ho lekana le LCS 'Masheshena' ka 1-1.

Ho ea ka ba bang ba barati ba lipapali leha ho chechisoa ha papali ea Matlama le Majantja e bile a boemo boo batsamaisi ba papali eo ba neng ba sitoa ho bo qoba hoba bo bakiloe li litaba tsa tlholeho, empa maemong a mang ho chechisoa ha lipapali ka lebaka la maemo a mabe a mabala a lihlopha ao ka nako e 'ngoe a emang metsi ha lipula li nele, ho bakela lihlopha tsena tse kollang ntsi hanong tahlehe-lo e ngata ea lichelete.

Ba re bothata bona ba mabala a fokolang ao le ona a ntseng a se maemong a machaba, president e ncha oa LeFA e lokela hore e a shebe ka leihlo le nchocho. "Setsoto se lokisoa ka pele-pele. Re hloka mabala a boemo bo holimo a khurumel-itsoeng ka holimo hore pula kapa sefako se se ke sa emisa lipapali. Hona joale tjee rona ba neng ba ile Mohale's Hoek ho ea boha papali eo re tlii'o boela re kena litšenyehelong tsa ho ea Mohale's Hoek hape ho ea shebella papali eo? Na

ebe ha se ho re sotla re le barati ba lipapali?" Ho botsa batšehetsi ba bile ba ipiletsa ho President Lijane Nthunya ho phahamela mapoqo a sa le mocha setulong sa bopresidente ka ho thusa ho bona hore mabala a ba teng.

Ho sa le joalo tsa mafelo

a beke li tla bapala tjena: ka Moqebelo Lebaleng la LCS lipapali tsa liki li tla ba peli, e le moo papaling ea pele LMPS e tla mathisana le Machokha ha ea bobeli LCS e tla bapala le Manonyane. Ebe Majantja e amohela Lioli lebaleng la S. Russel, Maroala e bapale

le Members Ha Ratjomose. Sontaha LDF e tla bapala le Bantu Lebaleng la Ratjomose, Matlama e nkane le LUFC ka Bambatha, Lifofane e momane le Liphakoe Lebaleng la S. Thejane Maputsoe, ha Lijabatho e tla thulana le Linare mane Morija.



Lishoeshoe ha se potele

Tšeliso Thakholi

Sekhahla se sehoholo seo Sehlopha sa Naha sa Bolo ea Maoto ea Basali sa ba lilemo li ka tlase ho 17, sa Lishoeshoe se qalileng ka sona ha se ne se pola sa Refiloe ntle ho qenehelo ka phafa 6-2, papaling ea bona ea pele e bulang lipapali tsa GIFT Cup, e bileng Lebaleng la Ngoni Mwos, Zimbabwe ka la 9 Tšitoe monongoaha, se hautse le ho thabisa barati le batšehetsi ba bolo ea

maoto ba ntseng ba bohile lipapali tsena ka thahasello e kholo tse ntseng li tsoelapele ka makhetha a maholo naheng eo.

Lishoeshoe e bontšitse tikoloho ea Afrika le lefatše ka bophara hore eona ha se potele e khoathoang ka lehlaka joaloka sehlopha se kang Otjwarongo Sports Academy ea Namibia, e seng e ntse e fopha mali kamor'a ho shapuo ke Mpopoma Sports Academy ea Zimbabwe ka lithupa tse 12 ho lehe(12-0). Ke hona papaling ena ea Lishoeshoe moo khalala ea Lesotho Boi-

ketlo 'Take it Easy' Molise a ileng a khethoa e le eena sebakali se ipabotseng ka ho hlaba lintlha tse ngata le ho ba sona sebakali se bapetseng papali e tsoileng matsoho.

Libapali tse ling tsa Lishoeshoe tse neng li bapala ka makhetha a maholo papaling ena e bile Naleli Morie, 'Mampona Lekanyane le Ntsamaeng 'Go Man Go' Tholo.

Haele sehlopha sa Mamelodi Sundowns ea Afrika Boroa, seo e leng sona lithatohatsi tse bapalang papali e ntle haholo, tse neng li shebiloe ka leihlo le nchocho ke barati le batšehetsi ba lipapali, se hlile sa roalla le sa sele ka ho rabel-la sa Luwina ea Malawi ka phafa ea 3-1, 'me sa ipeha maemong a pele lokong ea Mokhahlelo oa A. Sandra Mugwara oa Mamelodi Sundowns o ne a bonahala a itsamaela bolacha ka Luwina. Ke eena ea hlileng a qala ho phunya letanta pele, 'me ea eba thibang thibang! Ha apoloa ha apesoa ho fihlela phala ea ho qetela e lla.

Ho bua 'nete ho tloha qalong ea papali, Luwina e

ne e bonahala e tšerema haholo papaling ena kaha e ne e etsa liphoso tse ngata haholo tse sa hlokahaleng haholo-holo libakeng tse kotsi kahare ho lebala. Bahloli ba mohope ona ba monongoaha e bile JKT Queens ha e ne e paputlaka TDS Girls ka 2-1 papaling ea makhaola-khang e neng e bapalloa Dares Salaam, Tanzania mathoasong a selemo sena.

Ho latela tsela eo Lishoeshoe e qalileng lipapali tsena ka eona, ho na le matšoa a maholo a bontšang hore e tla qetella e hapile mohope ona lipapaling tsa makhaola-khang tse tlang ho ba Lebaleng la Ngoni Mwos Motse-Moholo Zimbabwe ka la 18 Tšitoe.

Leha ho le joalo, barati ba bolo ba Naha ea Namibia ha b'a thabisoa ke tsela eo sehlopha sa bona se shapuoeng ka eona ke sa Zimbabwe. Litalaleho li supa ha ba entse khothaletso e matla ea hore mokoetlisi hang h'a fihla hae a hle a jarisoethoto ka monkhoane kaha sena ba se bitsa tlontlollo le tšebetso e mpe ka ho fetisisa e kileng ea etsahala nalaneng ea sehlopha sena.



Likoporasi li fenya tlala



Nthabeleng Seitlheko

Basotho ba qala lintho tše ntle empa ka lebaka la khaello ea litšebobo le ho hloka botataisi li shoa lenyelenyele. Litaba tšena li boletšoe ke Mookameli oa Lefapha la Khoeboboa ea Likoporasi, Khothalang Ramoorosi ka la 9 Tšitoe monongoaha.

O re batho ba bang ho bonahala ba futhuhela ho kena likoporasi ka le reng li etsa chelete ebe motho o nka mokitlane oo a sa o lefeng. O re ba ithutile hore ba lokela ho loma bebebe ho tsoma bohle ba nang le mokitlane le likoporasi hore ba khutlise lichelete tsa batho.

"Batho ba bang ba kena mokhatlo ka tšepo ea hore ba tl'o una molemo ebe motho e mong o isa batho holimo le tlaase h'a lokela ho lefa mokitlane." A hlalosa joana.

O tsoetsepele hore likoporasi ha se tsa lelapa, hobane ke mokhatlo oo motho a o kenang ka boikhethelo ba hae, 'me ona o ka theoa ke batho ba 10 ho ea holimo, ho latela mofuta oa koporasi oo batho ba ratang ho o theha.

Koporasi e tsamaisoa ka molao 'me liqeto tsohle li fihleloa ho ipapisitsoe le molao, ho sebetsoa ka boikopanyo motho e mong le e mong oa ikhanna. Ho bona hore mosebetsi oa bona o tsamaea ka thello nako le nako ho na le lekhottla le rarollang likhang kahar'a likoporasi ha tlhahlobo e etsoa khoeli le khoeli le tlaheho ea tšebeliso ea lichelete.

O re qholotso e kholo ke ea batho ba khomarelang litulo ba sa batle ho theoha ha nako ea bona e felile, ha ba sebetse ka lipolotiki kapa bolumeli empa ba sebetse ka puso ea sechaba ka sechaba.

Ka lehlakoreng le leng Mohlanka e Moholo oa Likoporasi Lesotho, 'Maboitumelo Lethunya o hlalositse

hore koporasi e buletsoe motho e mong le e mong, 'me ba ikemiselitse ho thusa Basotho ho kena mokhoeng ona oa bophelo e le ho fenya tlala, bofuma le tlhokahalo ea mosebetsi.

"Leha koporasi e buletsoe bohle empa baneng e ka kenoa ke ba lilemo li 15 ho ea ka molao o re tsamaisang." Ke Lethunya eo.

O re Basotho ba lokele ho tseba hore bona e le bahlanka; ba teng ho fana ka litataiso mekhahlelong eohle ho bona hore batho ba kena kahar'a seo ba se utloisisang. A re ha ho setereke se se nang ofisi ea likoporasi eleng moo bohle ba ka fumanang tataiso.

Likoporasi ke e meng ea mekhatlo e meholo lefatšeng e thusang batho ho tsetela, ho tsoa mekitlaneng hobane litsoala tsa lichelete ke tse amohelang, hape li thusa ho fenya tlala le bofuma.

Leha ho le joalo, o bontšitse Naha ea Lesotho e ipabola ka ho theha likoporasi hoo bahlanka ba linaha tse ling ba tlang Lesotho ho kopa botataisi. A re hantle Lesotho ke taemane ka bo lona, empa bothata ke ho fepela linaha tse ling ka malebela ho se seo naha e se etsang.

"Ke thabile bacha ba futhetse likoporasi 'me le likolo li bonahala li khotaletsa boipheliso le boikopanyo, hoo ba bang ba baithuti ba phethelang lithuto ba utloisisa ka boikopanyo; ka lebaka lena lilemo tse tlang



tlhokahalo ea mosebetsi e tla ba pale ea maobane." A rialis.

E mong a Bahlanka, 'Mabasiu Selonyane o hlalositse hore likoporasi li ne li theoe Naheng ea England, 'me Afrika tsa fihla ka selemo sa 1948 moo Lesotho koporasi ea pele e bile e ntse e phela e leng ea Farelane le Seiboko e qalileng Mokhotlong, Butha-Buthe le Leribe. A re likoporasi li thusa tlhahisong ea mosebetsi moo batho ba ka sebetsang ho eona le ho hira batho ba tsoang ka ntle e bang ba hloka litsebo.

O re mokhoa o na oa boikopanyo oa likoporasi o atleha ho kenya letsoho tlhahisong ea mosebetsi, boqapi, temo le mofuta e fapakaneng ea boipheliso. A bontša hore monate oa koporasi ke hore e sebetse ka boikemelo ba eona.

"Ho bohlokoa hore koetliso e sa fanoa mahala, bohle ba ele hloko ho bona hore kahar'a likoporasi tsa bona ba ba le chelete sebakeng sa lithupelo hobane tlhoka-

halo ea lisebelisoa ka nako tse ling e sitisa hore mosebetsi o phethahale ka katleho." Ke Selonyane eo.

Leha ho le joalo, Lefapha la Likoporasi tlasa Lekala la Khoeboboa, le ne le hlalela baphatlalatsi ba litaba ka malebela le bohlokoa ba likoporasi e le mokhoa o bonolo oa ho fetisetsa thuto sechabeng.

E mong oa baphatlalatsi ba bileng koetlisong ena, Tšepiso Serabele o hlalositse hore thupelo ena e ba butse mahlo hobane pele ba fetisetsa thuto sechabeng ba tla tseba ho theha koporasi ea bona e le baphatlalatsi.

"Qholotšo e kholo kahar'a bophatlalatsi ke ho sitoa ho ikamahanya le liphetoho; hangata re salla morao boiphelising." Ke Serabele eo.

O re ke nako ea hore ba phahamele mapoqo ba bone hore baphatlalatsi b'a ikopanya leha ba tseba hore ho qala ke bothata empa ba tla leka ka hohle ho ntlafatsa bophelo ba bona.

Lebitsong la MISA Lesotho, Boitumelo Koloi o itse thupelo ena ke ea bohlokoa hobane e entse ba itlhahlobe 'me ba elelloe moo ba saletseng morao teng e le baphatlalatsi. A re ka thoko hore ba ne ba koetlisetsoa ho ea fana ka thuto sechabeng le bona e tlo ba karo-lo ea batho ba unang molemo kahar'a likoporasi.

O bile a leboha baphatlalatsi bohle ba bileng koetlisong ena 'me a ba kopa ho ea ba letšoai ho bo-mphato'a bona ho fetola bophelo ba bona.



E tšoelisa 'muso Tlhopho-Bocha

Nthabeleng Seitlheko

Mokha oa Kobo-Tata ea Basotho (ABC) o ntšitse polelo moo o lemosang 'muso hore litaba tsa Tlhopho-Bocha, ha se tsa ona o le mong le metsoalle ea ona empa ke litaba tsa sechaba sa Basotho, ka la 10 Tšitoe monongoaha.

Polelo ena e tsoelapele hore ABC e lemosa 'muso hore lintlha tse ileng tsa salla morao ha NRA e koaloa, li hlokolosi haholo kaha li ama khotso ea naha le metheho ea eona, hobane li akha har'a tse ling litaba tse kholohali tsa Borena ba naha. Ka hoo 'muso o imamele hantle ha o li atamela hobane e le ABC ba batla li sebetsoe ka potlako empa ka nepo le molao ho latela bohlokolosi ba tsona.

Ba re litaba tse hlokolosi haholo tsa Tlhopho-Bocha ke tse amang popo ea khotso, tšoarellano le toka ea poelano kahar'a Basotho.

Ba re Tlhopho-Bocha ke lese la ABC 'me ba e utloisisa hantle hore na e lokela ho khannoa joang, ka hoo ba lemosa 'muso ka Lekala la tsa Molao le Toka 'moho le metsoalle ea lona.

O tsoetsepele hore

phutheho eo e etse hloko hore e ne e etelletsoepele e sebetsang tlas'a Lekala la tsa Molao le Toka. "Re lemosa 'muso hore NRTO ha e'a thehoa ka molao Lesotho koano 'me e ke ke ea tseba ho sebetse litaba tsa sechaba tse hlokolosi tsa Tlhopho-Bocha."

"Taba ena ea NRTO e sa thehoang ka molao, re bua ka eona tjena hobane 'musong oa ABC, re ile ra sebetse litaba tsa Tlhopho-Bocha ka molao moo le sethala feela sa lipuisano tsa sechaba se ileng sa etsetsoa molao o ileng oa bitsoa National Reforms Dialogue Act NO.6 of 2018."

Ho feta mona, ona molao oo o bile oa theha ho bitsoana National Dialogue Planning Committee (NDPC) e leng komiti e neng e hokahanya litaba tsa Tlhopho-Bocha le ho bokella maikutlo a sechaba ka eona.

Ba re ba hopotsa 'muso hape hore kamor'a hore naha ena e be le sethala sa lipuisano ka molao le ho ba le sehlopha (NDPC) ho bokella maikutlo ao a sechaba, ho ile ha thehoa kamo-lao NRA, e leng ka molao o bitsoang National Reforms Authority Act NO.4 of 2019. NRA e ile ea sebetse litaba tsa Tlhopho-Bocha ka katleho moo ba hlalohile har'a tse ling setšoantšo sa molao se jereng melao e

mengata haholo ho kenyeletsa Sehlopho sa bolshome sa Molao oa Motho.

ABC e ipiletsa ho 'muso ho etsa tse latelang kapa ho emisa hang-hang ho sebetse litaba tsa Tlhopho-Bocha ka NRTO e sa thehoang ka molao ho qoba likhang tse tla lebisela Makhotteng a Molao. 'Muso o bitse kapele 'moka oa baetapele bohle ba Basotho hore ho il'o lumellanoa hore na mosebetsi o setseng oa Tlhopho-Bocha o qeteloa joang ka molao.

"Re qetella ka ho hopotsa 'muso hore mabaka a bile teng a ho tlosa litaba tsa Tlhopho-Bocha matsohong a 'muso moo ho ileng ha thehoa litsi tse kang eona NDPC le NRA. A mang a mabaka ao e ne e le hona hore 'muso o se iphumane o oetse molekong oa ho sebetse litaba tse na le ba khemang le oona feela ho siiloe likarolo tse ling tsa sechaba."

"Re kopa hore Lekala la Molao le Toka le se senye meoloane ena e seng e ahile ea Tlhopho-Bocha empa le bule puisano ea sechaba ka ho bitsa 'moka oa baetapele kaha litaba tseo tsa la 27 ho isa la 29 Pulungoana monongoaha e le tsa sechaba 'me li se li ile tsa tšohloa ka khoeli ea Phupu 2021.

CBL e khakola chelete e ncha

Tšeliso Thakholi

Musisi oa Banka e Kholo ea Lesotho(C-BL) Dr. Maluke Letete o re chelete e ncha ea lipampiri e ntlafalitsoeng ke letšoao le etsang nalane leetong la ho hlalisa chelete e bolokehileng kaha e entsoe ka pampiri e ntlafalitsoeng le ho boloka boleng le seriti sa eona. Tsena o li bole-tse nakong eo a neng a khakola chelete e ncha ea Maloti e ntlafalitsoeng tšebeletsong e bileng Setsing sa Boithapollo sa Lehakoe, Maseru ka la 9 Tšitoe 2025.

Letete o boleletse baphatlalatsi ba litaba, bahlanka ba CBL le bae-meli ba fapakaneng ba sechaba ba bileng teng tšebeletsong ena hore mabaka a maholo a ho ntlafatsa chelete ea Lesotho ke tšireletso e matlafalitsoeng e le ho e qobisa hore ho se be le litlokotsebe tse ka lekang ho e fetola le ho qhekella sechaba ka ho e sebelisa.

A re ba boetse ba e ntlafalitse hore e tle e tšoarelle nako e telelele, ho ba bobebe ho tseba phapano ea chelete e kholo le e nyenya-

ne bakeng sa batho ba nang le bokooa le hore e tšireletsehile haholo khahlanong le likokoa-na-hloko bakeng sa ho tloha ho motho e mong ho ea e mong. "Har'a tse ling tseo chelete ena e ncha e nang le tsona ke litšoantšo tsohle tsa bohlokoa tsa naha tse kang Marena a Maholo a Lesotho, mokorotlo, lebanta le benyang le entsoeng holima chelete ea M10.00, M20.00, M50.00, M100.00 le M200.00." Ke Letete eo.

H'a tsoelapele o bontši-

tse hore chelete e ntseng e sebetsa hajoale e ntse e amohelahile hore sechaba se tsoelepele ho e sebelisa 'moho le e ncha ho fihlela ho entsoe phatlalatso e ncha ea ho tlosa ea khale. "Empa moo e bang Mosotho a utloa eka h'a phutholoha kapa a sa batle ho sebelisa ea khale, a ka e fetisetsa bankeng e haufi a kope ho fuoa e 'ngoe, 'me banka e tla fela e etse joalo. E bang Mosotho a batla e ncha a ka nka ea khale a e isa bankeng o tla thusoa ka makhetha a maholo." A rialo.

A tiisetse Basotho hore chelete ena e ncha e bolokehile e bile e tšireletsehile, 'me a thoholletsa le ho leboha bahlanka bohle ba banka ka ho sebetsa ka boitelo ho atlehisa mosebetsi ona o motle. A re ketso ena ha se feela phethoho ea moralo empa e boetse ke ho tiisa boitlamo ba banka sebakeng sa tšireletso ea thepa ea sechaba le ho matlafatsa tšepo ea sechaba ho bona.

Mohlanka oa Tlhahlobo ea Liphetho tsa Banka, ebile e le setsebi litabeng tsa lichelete, Mofumahali 'Makutloano Setai eena o hlalositse hore lehlakoreng la tšireletso ea chelete e ncha ke hore ho se ho sebelisoa lebanta la

morao-rao le ntlafalitsoeng, 'me ho lona ho na le lintho tse tsamaeang e leng mokorotlo oa Basotho, ho ngola ha boleng ba chelete ka 'ngoe le ho hlaha ha lentsoe la CBL.

ho e nang le sebilikoe, 'me e se e na le linaleli le ho fetoha ha mebala. A tiisa hore tsena tsohle li entsoe molemong oa ho ntlafatsa tšireletso tšebelisoeng ea chelete le



A re licheleteng tsa pampiri tse kang M10.00, M50.00, M20.00 le M200.00 ho na le phe-toho pampiring e hlalishitseng lichelete tsena kaha ho se ho kopantsoe pampiri le polasitiki e sesefetseng e le ho matlafatsa le ho lelefatsa bophelo ba tsona. A re khoele ea tšireletso e se e tlohle

ho lelefatsa bophelo ba eona.

Chelete ea khale e tla lula e sebetsa le e ncha, ho fihlela phatlalatso e ncha ea ho e tlosa e phatlalatsoa ka molao ke CBL, 'me matšolo a tlhokomeliso ka chelete ena e ncha a se a ntse a qalile ho tsoelapele naha ka bophara.